

# Scheibenschlagen

2019

---

Nachname Vorname

Löschgruppe Graf-Gurnau

---

## **Gafer Kapelle /**

Liabe Leit, heint mecht mar enk olla schia begrießa,  
wos d'rnoch iatz kimmt, sell kuan verdrießa.  
Noch oltem Brauch tia mar ou Böller schiaßa.  
A Verübl, dös war ins gor it recht,  
a Hetz muaß sei, wega dem tia mar's decht.  
D'Fuirwehr tuat enk in dr Noat olli halfa,  
drum seits it beas und lot'sas galta.

Die earscht Scheiba, die hella,  
keart dr Grafer Kapella.  
Daß dr hl. Johannes von Nepamuk weiterhin über ins wocht,  
und in dr letschta Stund für olla a Fürsproch mocht.

Da Böller hobts keart, iatz gia mar's on,  
zearscht keima huir a d' Grofer dron.

## **Fam Hotz Oskar Edith / Graf 132e**

Edith und dr Oskar tian hoffentlich lei guat's derwarta,  
hoba tata sie iatz gute Karta!  
Sie sei glücklich und zfrieda mitanand,  
soa loaft's Leba ganz leicht von der Hand!  
Dass es so bleibt und weiter guat loaft,  
enk nou a Scheiba ins Tal ocha roacht!

## **Hotz Beate / Graf 132d/Top 1**

Di neagscht Scheiba isch aus dar Gluat,  
miar hoffa es geacht d'r Beate guat.  
Miar wünsch a d'r viel Glück und G'sundheit,  
und dass d'r bewahrsch dei Heiterkeit.

## **Berka Michael / Graf 132b**

Dia Scheiba aussa aus der Gluat,  
mir hoffa es geacht da guat. G'sundheit, Gluck unds Allerbest,  
wünsch mir dir heint bei insem Fest.

**Horvath Patrick / Graf 132b**

Auf dass dia Scheiba vom Patrick weit ausa fliagt,  
für's huirige Jahr alle Glück abgriagt.  
Viel Gsundheit und GIück kann ma alliguat braucha  
drum lass mar dir noLr a Raketa weit aucha.  
Miar hoffa du bisch z'frieda und die hat's guat,  
und hoffentli fliagt dia Scheiba mit ara schiana Gluat.

**Fam Hotz Martin & Maggi / Graf 132b/Top 5**

Dar Martin hat sicher viel zum tian,  
drum heara mar nix, deas tunkt ins nit schian.  
Die Tischlerei und a groaße Familie, deas isch sei Passion und braucht viel Zeit,  
da kimmt dar Martin sinscht sicher numma weit.  
Und o sei Engagement in dar Fuierwehr und im Pfarrgemeinderat,  
isch sicher intensiv und oft an Spagat.  
Miar winscha enk als Familie a feins Jahr und viele gemeinsame Stunda,  
dar Stecka mit enkrar Scheiba schlogt iatz sei Runda.

**Sports-Bar / Graf**

Die Sports Bar in Graf isch als Treffpunkt bei alle bekannt,  
da kema die Gäst aus'm ganza Land.  
A Bier oder a Glas'l Wein in feiner Runde,  
da isch kua Wunder dass die Gäst oft huam giahn ersch zu später Stunde.  
Enk sett deas neue Jahr wieder viel Erfolg bringa,  
drum lassa m'r die Scheiba b'sonders weit achi springa.

**Fam Schröcker Hermann & Frida / Graf 132a**

Enkerl Familie isch s'letscht Johr ou wieder greaßer gwoara,  
und weil di junga Eltera hoba viel um'd Ohra,  
bringt d'Franziska s'Poppi geara zum Kindsa auf Grof,  
do wearts verwöhnt umadum und g'sunga in Schlof.  
So a Enkali bringt in die Bude wieder an Schwung,  
und holtet in Hermann und d Frida fit und jung.  
Dia Scheiba fliagt weit in Nochthomml aua,  
Tiats nu fleißig auf enker n Nachwuchs schaua,  
miar schiaßa enk no a Raketa in Himml aua.

**Dr. Thomas Jehle / Graf**

Dem Thomas keart dia Scheiba was iatz kimmt ganz alluan,  
drum hoff mar dass sie ganz achi geat über dean Ruan.  
Iatz tuat der Dr Jehle decht schua a schians Zeitli in Graf daußa ordiniera,  
und seiner Kundschaft fachmännisch die Zennt saniera.  
Beim vorbei fahra muass ma ab und zua fascht a bissli lacha,  
wenn ma siecht was der Thomas alles selber tuat macha.  
Miar hoffa es gfallt dir bei ins, und s`Gscht loaft guat,  
und schloga iatz a Scheiba aussa mit ara schiana Gluat.

**Landw. Genossenschaft / Graf**

Die nägscht Scheiba schlag mar aussa mit xtra viel Kraft,  
weil dia keart der (Landwirtschaftlichen) Genossenschaft.  
Deas Gschäft muass bei enk ja wirkli guat loafa,  
weil ma siecht enk recht oft an nuia Traktor verkoafa.  
Sogar der Grinner Gemeinde Habats an nuia anderdraht,  
deas war bei dem Alta ou fascht schua zspaat.  
Mit alla Finessa haba sie dean bstellt,  
und eas Habats ihna dean sogar in der Wunschfarb vor die Haustir gstellt.  
Miar wünsch enk wieder viel Orbeit im nägschta Johr,  
und an heida Umsatz, des isch eh klor.

**FA Catering Schwarz / Graf**

D´r Schwarz isch seiner Zeit olli weit voraus  
drum hatd´r iatz schua Polma und Liegastial vorm Haus.  
Ma sieht brenna oft s´Liacht Tog und Nocht,  
ob des eppa die nuie Deko macht?  
Egal wos für a Festl ansteat,  
die leit haba leicht locha,  
weil´ s Catering Schwarz weart des schua mocha.  
In dem Sinn wünsch mar dr weiterhin viel Freid beim Leit verweina.

**Schröcker Evelyn / Graf 132a**

Abenteuer isch für die Evi wichtig, drum isch sie viel in dar Welt umanand,  
ihr letschtes Reiseziel isch wohl bekannt.  
Sri Lanka, an Traum für jedermann,  
uanmal im Leaba set ma dahin, wenn ma deas kann.  
A Safari-Tour hat di Evi o no gmacht,  
isch deas wirklich spannend, wenn so a wilds Viech durchs Fenster icha locht?  
Du hosch sicher an Haufa Fotos knipst,  
wo so a Tier durch die Gegend flitzt.  
Damit's viel zum darzeala gibt bewahr dir deine Reisefreudigkeit,  
und miar schloga dir a Scheiba außa ganz weit.

**FA Walch + Plangger / Graf 134**

In dem Büro weard viel plant und konstruiert  
Und noch in die Londschoft integriert.  
Für Kanal und Wosser sei sie vom Foch,  
drum kriega sie ou viel Auftrüg unter Doch.  
Und für so viel guati Socha,  
lossa miar für deas Planungsbüro ou nou an Böller krocha.

**FA Streng / Graf**

Im Winter kann ma seine Loder Geräte bestauna  
Denn dia tian da Schnea von dena große Parkplätz verraumt.  
Ober iatz sieht ma wieder mia die gelba Laster am Ries,  
beloda mit Ear, Schotter oder an Hauf Kies.  
Und daß dia Bagger olli weiter a guati Arbeit mocha,  
lossa miar iatz nou onständiga Böller krocha.

**Matt Patrick / Graf 130c/Top 1**

Ma sigt die öfters mit Freundin und Hund spaziera gia,  
daweil hattsch jo a eigenes Auto in dr Einfahrt stia.  
Schua seit dr Kindheit tuat er von ma eigenen Auto trouma,  
drum hat er dafür sei ganzes Erspartes hea gnouma.  
Iatz muasch lei no den Führerschein guat absolviera,  
nocha konnsch Freundin und Hund mitm Auto ausfahra.  
Zudem isch dr Patrick nit lei beim Tschiderer an fleißiger Mann,  
er zoagt ou bei dr Feuerwehr was er alles kann.  
Hoffentlich kenna mar weiter voll auf die bauer,  
dafür derfsch dei Scheiba selber weit ausa hauer. :)

**Matt Annemarie / Graf 130c/Top 2**

Die Annemarie war huira ou wieder brav drum tia mar sie loba,  
und schieß a Scheiba ocha und hoffa, sie bleibt it doaba!  
Mir hoffa du schausch am guata Jahr entgega,  
und winscha dir viel Glück und Segal!  
Es geat huira sicher alles guat soweit,  
auf deas aua steat beim Standla an Glühwein bereit!

**Fam Maidel Wilfried & Ofelia Maria / Graf 130b/Top 4**

Sou liaber Wilfried deas isch decht a Gfrett,  
ligsch du da gonza Tog lei in deinem Bett?  
Andersch kenna mar ins deas nit erklära.  
Das ma vu dir aber überhaupt gar nix hera.  
Des kann nit sein und des well ma nit hoba,  
drum bisch offiziell in d`Fuerwehrhalle ingloda!  
Beim negschta Fest darzeal a paar Gschichta,  
nocha wiss mar s` negscht Johr ou wieder was dichta!

**Matt Michael / Graf 130a/Top 2**

Aus d`r Gluat isch aussu dia Scheiba,  
iatz tia mar a bißli beim Michael bleiba.  
An Geräteverleih tuat er betreiba,  
ob Anhänger, Häcksler, Fliesenschneider oder Rasenmäher,  
deis kannsch alls vu ihm hoba,  
ma braucht lei frogal!  
Deiner Firma und Familie wünsch ma alles Gute und viel Glick.  
Zur Scheiba vom Michael kehrt iatz no an Böller dazua  
nach dem kassiera, lossa mir di wieder a Johr long in Ruah!

**Fam Schmid Robert Monika / Graf 130a/Top 1**

Dia Scheiba wella mar bsunders weit außa treiba,  
denn iatz wella mar beim Robert und dr Monika stiah bleiba.  
Ma sieht enk numma so oft umander giah und hoffe es geat enk guat  
und hola no a Scheiba aus der Gluat.  
An Böller gibt's zum Schluss  
weil's s'enker Haus isch olli perfekt im Schuss.

**Fam Nitsche Kurdoglu Gerald Brigitte / Graf 135**

" Unerhört Jenisch" so heart mas sogä  
tuat dr Gerald im Kino in Landeck so einiges vortroga.  
Dena "Karner" und "Dörcher" er a Wertschätzung tuat geba,  
weil er tuat ja ou im Karnerwaldele leba.  
Für die Engagement lassa mira dir und dr Brigitte a schiane Raketa steiga,  
tiatz leit weiter so aktiv bleiba.

**Sailer Christian & Patscheider Karin / Graf 130d**

Weihnachten, liabe Leit,  
isch a ruhige und besinnliche Zeit.  
Im Christian isch da wohl nit gnuag Rummel,  
drum macht er mit Freund an Weltenbummel.  
Nach Thailand isch er gfloga und die Karin bleibt im Land,  
und deas über Weihnachta isch ja allerhond.  
Aber d'Karin weard sich denkt hoba, i bleib liaber beim Hund,  
mit deam mach i täglich meine Runde, nocha bleib i auf jeden Fall gsund.  
Miar schiaßa a Scheiba auf enk zwoa weit ocha in Ruan,  
und an Böller darzua, nocha isch d'Scheiba nit alluan.

**Moldovan Emil / Graf 130b**

Eeirn Emiltia miar ins huira wieder sagrisch ploaga  
wie selia miar eppas über die drfroga.  
Mir loda die gera zu ama Bierli ein  
deis sett die tunka fein.  
Damit dir huira ails gelingt iatz no a Raketa aua singt.

**Fam Berger Mario Christine / Graf 130**

Es mochts es ins nit leicht,  
als erst schiass ma für enck a Rakete ins Himmelreich.  
Nit das ihr nuit angestellt habts,  
s' Dumme isch lei, dass es niemand dafragt.  
Und so miass ma aufs negschte Jahr warta,  
vielleicht hoba mir ja da, bessere Karta.

**Fam Horvath Erich Elisabeth / Graf 128a/Top 2**

In Erich und die Elisabeth homer im letzta Winter kloga kehrt,  
dena hot der heftige Schneefoll so richtig gsteht.  
Ihre Tuiahecke hots so richtig derschloga,  
darüber hoba die Beda nu kenne kloga.  
Vom Gehsteig aus hot ma in a Gorta secha kenna,  
des hot in Erich veronlasst ina a Baumarkt z' renna.  
Schnellst hot an Sichtschutz zur Strosse her miassa,  
noch geton er Arbeit, hoba sie der Tuiahecke numa missa nochverdriassa.  
Pflegeleichter wird der nuie Sichtschutz ou sein,  
des dunkt enk beide sicher recht fein.  
Dass der Erich numma so schnell muass in a Baumarkt renna,  
set no Raketa in a Himme brenna.

**Fam Horvarth Thomas Denisa / Graf 128a/Top 1**

Beim Thomas dahuam denkt sich sei Bua dr Dominik wie stell i deas on,  
dass i zu ama Handy kema kann.  
I muss erreichbar sein, deas wella sie, also tua i mi verstecka,  
und mit'm Handy kenna sie mit nocha anrufa oder wecka.  
Iatz braucht dr Thomas sein Bua numma sucha giah,  
weil er sieht ja über GPS wo er grad tuat stiah.  
Damit deas ou funkitioniert  
am morz Böller krepieret.

**Horvarth Martha / Graf 128**

Aus dr Gluat isch weit aussa gfloga die Scheiba,  
und somit dia mir bei dar Martha stiea bleiba.  
Iatz wenss Frühjahr wert sich tma Martha wieder fleissig draussa stia,  
und ou amol mit der Carmen zu Kappela gia.  
Das d' Martha da Summer viel lieber hot, darieber wissa mar bescheit,  
und für deine Vorhoba hura, set noa Raketa fliega gonz weit.

**Autohaus Zangerl / Graf**

Weit außa gschloga hoba mar iatz dia Scheiba  
weil iatz tia mar beim Autohaus Zangerl stiah bleiba.  
Autos von Suzuki, Hyundai oder Isuzu kannsch da koufa  
und brauchsch gor it weit loufa.  
Damit viel Umsatz und Erfolg tiats hoba,  
tuat enk d' Fuirwehr iatz no a schiane Raketa auajoga.

**FA Getränke Wille / Graf**

Die Scheiba isch aussì, weit und schian,  
iatz bleiba miar bam Wille Dietmar stiahn.  
Uans isch fein, wenn miar a Fescht hoba,  
kena miar Tisch und Bänk gratis hoba.  
Drum wear miar ou nit weit lofa  
und inser Gsöff bam Dietmar koufa.  
Für dia guate Bedienung tian mar ou Donschian sogà  
Und zur Scheiba a Raketa auchjoga.

**FA Wille Harald / Graf**

An Böll'r lossa miar iatz zearsch krocha  
und tian die negscht Station bam Harald mocha.  
Miar tat ihn jo gonz geare necka,  
ober vom Harry tuat die Nuigkeita guat verstecka.  
Er weard schua manches huamlich mocha -  
dia uana und die ondara Socha.  
Viel Erfolg und a guates G'schäft winscha miar  
beim Kassiera keama miar eh nocha zu Dir.

**FA HW Bau Graf / Graf**

Im Baug'schäft isch dia Firma guat bekonnt  
dia HW-Tafla sieht ma im gonza Lond.  
Und ou im Loger in Grof geits an Haufa Socha,  
do muaß ma ba ins kuan groaßi Umweg mocha.  
Auf ihra Baustella tian si guati Orbat mocha  
Drum lossa miar für HW Bau ou nou an Böller krocha.

**Juen Katrin / Graf 125**

In Graf da tuat ma nit viel hera,  
des bringt mi fast zum rehra.  
Dafür schick ma iatz a Scheiba ind Stera,  
auf dass ma negschts Jahr mia duat hera.

**Fam Walterscheidt Klaus Katrin / Graf 126a/Top 1**

Kathrin wohnt in Graf iatz schu viele Johr,  
dies isch decht wunderbar!  
Du hosch di a bißl umorientiert  
und in a nuie Wohnung in Graf investiert.  
Wenn d` Fuerwehrleit kema kassiera  
Wera sie enka nuies Nestli inspiziera!  
Enk zwoa wünschmer s` aller Bescht  
bei inserm Fescht!  
A Scheiba aus d` r Gluat,  
fliega seht sie guat!

**Bätz Franziska / Graf 126a**

Dia Scheiba isch auða aus dr Glut,  
mir hoffa es geht dr Franziska guat.  
Gsundheit, Glück und s'allerbescht,  
wensch mir dir heint bei inserem Fescht.

**Auer Isabella / Graf 126a**

Schreiba tata miar gearä a schians Gedicht,  
nua krieagt d' Isabella nit ofts voars G'sicht.  
Zur Scheiba von der Isabella kead iatz nou än Böller darzua,  
Nach dem Kassiera lossa miar di wieder a Johr long in Ruah.

**Fam Thurner Udo, Evelin / Graf 125/Top 6**

Beim Udo und dr Evelin mechta mar amol dankschia sogä,  
weil mar kann alli enkare Tiefgarage zum Feira hoba.  
Ou a Gulaschkanone hot er, wia mar wissa,  
bei deine Feschtla tuasch tia sicher numma wella misssa.  
Brauchs ch dahua eppas zum Dekoriera  
geh zur Evelin ins Gschäft, die halt deis, mir tia enk auf jedenfall a Raketa  
spendiera.

**Kathrein Anni / Graf 129a/Top 2**

Die Anni tuat alli no fleißig orbeita , da kann ma nit kloga  
ma sieht sie olli wieder kema vor Orbeit mit ihrem weißen Woga.  
Des isch dr letzte stand den mir hoba bis heint  
die Anni hot o an netta Freind.  
Gfreda tuat sie sich ou wenn eper vorbei kimmt beim Gorta  
do kann sie olli mit uam bei ama Ratscherler aufworta.  
Drumm Anni bleib ins gsund, und mobil,  
dass sigsch vo dera Walt no viel.

**Ruetz Johannes / Graf 125/Top 2**

Der Johannes tuat iatz im zwoata Jähr Mechatronik studiera,  
in ra Stadt wie Innsbruck gibt's ou an Haufa zum Ausprobiera.  
Dass für selche Aktivitäta ou gnuag Geld ausm Börschlacht,  
hät er freiweck den Taxischein gmacht.  
Und wie`s oft louft im Leiba,  
hät sich bleiderweis a Wohnung mitm besta Kumpel drgeiba.  
Eigentlich hat sich des positiv auf`s Lerna auswirka sella,  
trotzdem hät er sich stella miasa uaner Kommissionella.  
Er hät sich nit z` viel aus der Ruhe bringa lossa,  
und hät die Prüfung absolviert ganz gelossa.  
Mir wünsch dir weiterhin viel gelinga,  
und lassa die Scheiba no weit ausisinga.

**Ruetz Jakob / Graf 126/Top 5**

In der eigena Wohnung in Graf lasst sich`s fein leiba,  
und beim Handl tuat er weiterhin fleißig sei Fleischermesser heiba.  
Letztes Jähr wärs ou beim Jakob soweit,  
als Pionier in Salzburg hät er sich ins Bundesheer eingreicht.  
Näch nitmol 6 Monat hät der Spaß gfunda sei End,  
frühzeitiges Abrüsten weil er sich brocha hät beade Händ.  
Beim Schifähra kanns leicht passiera an Sturz z` baua,  
vor allem wenn ma muas mia auf ändere Leit schaua.  
Dass deine Händ wieder weara wia friar,  
lass mar dia Scheiba no weit ocha glia.

**Fam Ruetz Markus Christine / Graf 125/Top 2**

Dar Markus und die Christine hoba sich an Wunsch erfüllt und sein aufbrocha nach Rom,  
und det sein sie glei gonga in Richtung Peters-Dom.  
Da Papst hoba sie bsuacht, deas war sicher a tolle Zeit,  
und vu Gurnau nach Rom ischas ja eh nit so weit.  
Sinscht sieht ma enk öfter im Stanzertal dinna,  
und det kann ma enk antreffa beim Schwimma.  
Fein isch so a Hallenbad und schwimma isch gsund,  
und Spaß machts darzu, deas isch sicher ou an Grund.  
Iatz weara mar no a Scheiba aus dar Gluat heaba,  
und hoffa dar Papst hat enk o sein Segen geaba.

**Moschen Anni / Graf 129/1**

Wenn d´ Sunna wieder öfter vom Himml schaut,  
d´ Anni sich alli wieder amol vor´ d Tir ausi traut.  
Nit zum globa ober wohr  
d´ Anni wert huira 90 johr.  
Viel Gsundheit und Gottes sega  
wünscha mar nou in deem Leba.

**Moschen Norbert / Graf 129/2**

Da Norbert tuat in seiner Freizeit gera Stauda schneida  
weil er mog sein Garta ganz guat leida.  
Miar hoffa dir geats guat  
und tata ins mal freia, wenn bei ins vorbeischaua tuasch.

**Mangott Silvia / Graf 129b/Top 1**

Dia Scheiba tian mar weit ausitreiba,  
g'sund set Silvia nou long bleiba.  
Nou gibt's gnua zum erleiba, drum dirft's bei diar kua Longweile geiba.  
Dia sett deas neue Jahr viel Gesurndheit bringa,  
drum lass mar a Scheiba den Higl ocha springa.

**Kirschner Katharina / 129b**

Aus d'r Gluat isch außa die Scheiba,  
iat'z tian m'r a bissli bei d'r Kathi im Altersheim in Grins bleiba.  
Mir winscha dir viel Glick im neue Jahr,  
und lassa die Scheiba ausafliga wunderbar.

**Fam Nöbl Ferdinand , Romana / Graf 129c/Top 2**

Ba ama schiana Wetter und ama schiana Tog  
Do gibt's an Ausflug mit'm Noldi und sein'm Porsche, dös isch kua Frog.  
A so a Fohrt nach Obergurgl ins Museum war jo soweit kuan Maleur,  
nu a bissli z'schnell isch er gfohra, sein Chauffeur.  
„Wos globt, denn dear,“ mit dem fohr i numma,  
der rauscht miar z'riskant um d'Kurva umma.  
Do brauchsch nocha numma ons Mittagessa denka,  
weil dia Mohlzeit konnsch dir nocha schenka.  
D'r für wor die Huamfohrt a gmütlich Soch,  
drum lossa miar nu an Böller mit ama heida Kroch.

**Fam Nöbl Hannes Petra / Muntlix**

Iatz lassa m'r glei a Raketa in Himmel marschiera,  
und tian d'r Petra und im Hannes ganz fest gratuliera.  
Der 1.1 war als Geburtstermin von d'r Lea schua a bissl im Greid,  
dass es dann genau auf den Tag fällt war dann schua a morts Freid.  
Zu fünft seid's 7 Tage die Woche olli guat einteilt,  
deas isch ou kua Wunder wenn im Haus sein so viele Leit.  
Zum Ausgleich sieht ma in Hannes olli öfters zum Bouldern in der Kletterhalle,  
da trainiert ma viele Muskeln, ja angeblich sogar alle.  
An Böller zum Schluss no ganz laut explodiert,  
dass deas Familienleben zu fünft ou weiterhin so gut funktioniert.

**Fam Schlatter Engelbert Stefanie / Graf 121/Top 1**

Zum Runda s'letscht Johr miassa miar nou gratuliera  
Und ou glei a Raketa spendiera.  
Mit dem 69-iger isch iatz endlich Schluss,  
ober d'r Engl isch ou mit 70 nou super in Schuss!  
Uans hoba miar ober ou glei fest'gstellt  
bei da Ausflüg hot er von 2 auf 4 Radla umgestellt.  
Iatz sieht ma die zwao aus einem Sport- Cabrio locha,  
und ou im Summer manches Fahrtli mocha.  
Deas sell ou guat und unfollfrei gelinga,  
drum sett ou d'Scheiba weit aussinga.

**Fam Schlatter Harald Melli / Graf 121/Top 2**

An Böller iatz explodiert ganz laut,  
ganz Graf und Gurnau iatz zum Scheibaschläga herschaut.  
D'r Melli mechta m'r ganz herzlich gratuliera,  
und zum 40er no a Raketa spendiera.  
G'feiert hasch dein Geburtstag ou ganz fest,  
in Feuerwehrhalle hasch inglada deine ganza Gäst.  
D'r Harry hat sich als Kellner ou ganz guat gmacht,  
es haba alle an feina Abend keat und ganz viel g'lacht.  
Anstoßa tian m'r heit ou no glai am Tisch,  
dass weiterhin bleibsch so wie bisch.

**Perktold Michael / Graf 127/1**

Beinr Michael tia miar ins huiru wieder sagrisch ploga  
wie sella miar eppas über die drfroga.  
Mir loda die gera zu ama Bierli ein  
deis sett die tunka fein.  
Damit dir huiru alts gelingt  
iatz no a Raketa aua singt.

**Fam Kobler Gerald & Gabriele / Graf 127/1**

Dar Hennestoll vom Gerald isch a Güstostück,  
do gibt's dia guate Goggale für inser Frühstück.  
D'r Goggl-container vor seiner Haustür isch iatz sicher olli voll,  
und deas lei mit Bio -Eier-, sall isch decht toll.  
Dia Nachfrog wor uanfuch z' groß, drum hot der reagiert  
und im Herbst mia Henna engagiert.  
Iatz braucht niemand mia in Loda loufa,  
weil iatz kenne miar dia Goggl wieder olli bam Gerald koufa.  
Und für dia Bauschoft loassa miar nou zum Schluss  
An heida Schuss!

**Plattner Kathrin / Graf 118**

Mir lassa iatz a Rakeita fliaga  
Damit wella mir dir zum 30er gratuliera.  
Du hãsch dã a mords Feier kett,  
olle wãra dabei- des wãr sicher ganz nett.  
Ou bei dr Familienkreuzfahrt bisch du mit,  
dia viele Ausflüge wãra für die der Hit.  
In San Turin hãbat's verbracht a poor Stunda,  
Dã hãsch nãcha a passendes Angebot für die gfunda.  
Dia Hornhaut auf die Fiass - dia keart weck,  
es gibt dã so Fisch - dia finda jeden ou no so kluana Fleck.  
Drum hãsch die Fiass in des Becken ia kebt,  
Hoffentlich hãba des dia Fisch ou überlebt.. :)  
Mir wünsch dir ou mit 30 weiterhin a schiani Zeit,  
Dafür hau mar ausa dei Scheiba gonz weit.

**Plattner Christian / Graf 118**

Dr Christian tuat schua länger in Pians trainiera,  
Seit nui'm aber ou als Trainer der U7 fungiera.  
Ma sigt ihn mit die Kinder a poor Platz runda renna,  
dabei ou selber an haufa Kalorien verbrenna.  
Sogar über Hürden miassa sie springa,  
damit will er sie richtig in Meisterform bringa.  
Durch des viele trainiera hãsch du selber a guate Figur kriagt,  
iatz ischs lei mia a Frage der Zeit bis dr a Freindin zua fliegt... :)  
Dei Scheiba weara mar iatz no weit ausa treiba,  
miar hoffa es kennats die Meisterschaft huira für enk entscheida!

**Fam Plattner Wolfgang Angelika / Graf 118**

Dr Wolfgang hot an nuia Onhänger kouft, der isch an Hit,  
weil do hot iatz ou dr Roller Plotz, weil der muaß zum Gardasee mit.  
Breits der gonze Haushalt kannt iatz mit, des muaß wohl sein,  
weil ma will sich's jo ou am Campingplotz richta gmatli ein.  
Urlaub, nit nu am Gardasee, des gibt ihm Leba da richtiga Pfiff,  
di Angelika isch im kemata Jahr glei zwoamol am Schiff.  
A Mittelmeerkreuzfohrt, uamol sei dr Wolfgang und ihre Gschwister dabei,  
und s'zwoat Mol mocht si sich's mit dr Inge gonz fei.  
Do kenn mar nu soga, Schiff ahoi und genieß die Zeit  
mir schicka a Raketa in Himml aua gonz weit.

**Menghin Manuela / Gurnau 116/Top2**

Die Manuela weard ma heint unter ins ganz sicher nit finda,  
sie hat sich denkt, huira wear i amol nach Afrika verschwinda.  
Kenia isch deas Land deas sie besucht,  
und hat sich glei an 2 Wocha Urlaub buacht.  
Was ma det darlebt isch sicher wunderschian,  
da kannsch aufm Berg und in der Wüste stiahn.  
Aso a Safari isch auf jeden Fall toll,  
da isch dar Fotoapparat danach sicher voll.  
Iatz weara mar a Scheiba ausm Fuier hola und vernichta,  
miar hoffa du wearsch ins nochm Urlaub berichta.

**Pfeifer Anna / Gurnau 116/Top 1**

An nuia Brauch isch aus Amerika zu ins ins Land keama,  
was mir da muana muaß ma eigentlich gar nit erwähna.  
Helloween, deas findat o die Anna ganz toll,  
drum macht sie alles mit Kürbis voll.  
Da schnitzt sie Gsichter außa ganz schnell,  
damit ma die Kerza daußa sieht hell.  
Und weil deas als Hobby sicher nit reicht,  
was kannt man o tian, an Hund vielleicht?  
Aber so an Hund mauß ma guat trainiera,  
damit der lernt richtig zum apportiera.  
Liabe Anna, a Scheiba für di, nit zum locha,  
kanntasch ins huira an Kürbis für die Fuierwehrhalle mocha?

**Fam Senn Arnold Ursula / Gurnau 117d**

Dia Scheiba , die iatz weit aussu singt,  
eppas nuis vom Arnold und d'r Ursula bringt.  
Ba schianem Wetter fohra si jo mit'm roata Porsche spaziera,  
ohne vorher , wie sich's gheart, olles zu kontrolliera  
Noch 40ig oder gor 50ig Kilometer gehrt a Lichtli auf,  
sie hobe gor kuan Nummera -tofla am Porsche drauf.  
So hoiba sie miaßa umdisponiera,  
und wieder longsom huamkutschiera.  
Uan oder zwoamal konn's ja passiera,  
ober dritt's mol kannta miar numma toleriera.  
Und dass deas numma eba passiert,  
iatz für enk a Raketa mit der Nummer AU-01 marschieret.  
(ps. AU = für Arnold /Ursula)

**Fam Senn Werner Brigitte / Gurnau 117b/Top 2**

Für di Brigitte louft des Johr gonz optimal,  
weil sie hot grad a Auszeit, a Sabattical.  
Ua gonzes Johr kua Matura und Scholorbeita korrigiera,  
und kuane gelongweilte Kids zum Lerna motiviar!  
Dia Soch isch nit nu für di Brigitte, sondern ou für'n Werner an Gewinn,  
weil die Brigitte verbringt iatz gonz viel Zeit bei ihrem Schotz in Wien.  
Iatz braucht er ou unter dr Woche,  
numma salber putza und ou nit kocha.  
Wenn er am Obat vor Orbeit kimmt, weart ihm die Brigitte a tolles Menü serviana,  
und sicher ou des steife Gnagg massiara,  
di Hausfreindin hot er hold miaßa zwischenzeitig ausquartiara ☐.  
Miar wünsch enk zwoa a wunderschiane Zeit  
mitnonder in Wien in trauter Zweisamkeit.  
Am Wochenende kemats eh olli huam sinsch tatats no verdriaßa,  
recht so, drum well mar enk iatz no an dicka Böller schiaßa.

**Walter Berta / Gurnau 117/Top 2**

Seit paar Monat tia mar die Berta in Gurnau schua suacha,  
tuat sie sich ja seit Kurzem a Zimmer im Altersheim buacha.  
Dasses dir dert besser geat, des isch wohr,  
Pflege rund um die Uhr und Sunna s`gänz Johr.  
Es tuat sicher guat mit nuia Leit Bekantschaft schliaßa,  
dã lebt sich`s glei leichter ohne verdriaßa.  
Liebe Berta, mir hoffa du fühlst die wohl und es geat dir guat,  
dafür houl mar die schianst Scheiba aus der Gluat.

**Walter Chiara / Gurnau 117/Top 1**

Ja die Chiara, dia wor no nia auf dar Lischta drauf,  
iatz schnall die an, iatz geahs nämlich auf.  
Na na, so schlimm isch nocha o wieder nit nu kua Angscht,  
miar darzeala lei, was du alles kannsch.  
Die Lehrabschlussprüfung hat die Chiara absolviert,  
und iatz beim Velly an Haufa Leit täglich frisiert.  
Aber Arbeit alluan, deas kanns o nit sein,  
a Teilnahme am Summerspalsh, deas muas isch grad o no fein.  
Viel Spaß am Leaba, und Freud an dar Arbeit winscha mar dir,  
und schloga dar iatz no a Scheiba vor die Tiar.

**Fam Walter Markus Sybille / Gurnau 117/Top 1**

Dar Markus und die Sybille, deas sieht ma glei,  
sein bei viele sportliche Aktivitäten dabei.  
Im Winter, deas gehört in inserer Region darzua,  
fahrt ma halt geara mit Ski ocha an Rua.  
Und weils auf die Berg doba uanfach isch schian,  
könnt ma decht o auf a Bergsilvester giahn.  
So hobas dia zwoa gmacht und wora am 31. In Kappl z'Dias,  
det hots geaba sicher a feins Essa und a Sektli im Glas.  
A feins Johr enk zwoa, dafür a Scheiba,  
dia weara mar iatz weit ausa treiba.

**Fam Schütz Manuel Regina / Gurnau 146/Top 2**

Der Manuel hat letschtes Jahr angfanga sein Garta nui zum geschtalta,  
und hat ihn weiter recht industriell gehalten.  
Zwoa weitere Container miaßa da schua hea,  
aber deas fällt dem Manu it gar aso schwer.  
Platz haba sie hinterm Haus grad gnuag,  
wer woass schua genau was er da drein alles so tuat!?  
Aber nit nu mit seim Hobby hat der Manu gnuag zum tian,  
er versucht iatz ou als Dienstführender alles zum verstian.  
Hoffentli loafft`s dir bei der Polizei richtig guat,  
drum hohla miar dir dafür a schiane Schieba aus der Gluat.

**Fam Schütz Erwin Christine / Gurnau 146/Top 1**

Der Erwin hat ins huira beim Wal tüchtig gholfat,  
es isch halt it gar aso guat gloafa.  
s` Kreiz hat er sich teiflich verissa,  
aber anständig dabei die Zähnt zammbissa.  
Aber auf uans kenna miar sicher vertraua,  
dass die Christine tuat guat auf ihn schua.  
Miar hoffa es geat enk iatz beidna wieder guat,  
und hohla a extra schiane Scheiba dafür aus der Gluat.

**Haag Thomas / Gurnau 117a**

Dar Thomas isch huira s'erschte Mal dran,  
da isch decht fein, wenn ma o a bissli was darzeala kann.  
In dar HAK isch er am Lerna und miar wellas nit verschreia,  
kann er huira am Schualschluss die Matura feira.  
Apropos feira, da isch dar Thomas dabei,  
und nimmt sich fürs Frequency Festival frei.  
Viele Bands, an Haufa Leut, da stellt er sein Mann,  
deas kann halt lei unaner mocha, der in am Zelt o guat schlofa kann.  
O beim Fuaßball isch dar Thomas sehr aktiv in Pians dinna,  
miar hoffa du tuasch o so manches Mal gwinna.  
Die erschte Scheiba schloga mar dar iatz übers Brett,  
fürs negschte Johr a paar Gschichtla, deas war no nett.

**Fam Haag Sabine u. Peter / Gurnau 117a**

Di neagscht Scheiba isch aus dar Gluat,  
miar hoffa es geat enk zwoa guat.  
Miar wünsch a enk viel Glück und G'sundheit,  
und dass eas bewahrts enkere Heiterkeit.  
Mir hoffa eas schaugats am guata Jahr entgega,  
und wünsch a enk viel Glück und Segal!  
Es geat huira sicher alles guat soweit,  
auf deas aua steat beim Standla an Glühwein bereit!

**Pfisterer Peter / Gurnau 144**

Beim Pete hat's leatscht's Jahr an beruflichen Wechsel geba,  
er tuat iatz nimmer in Norwegen die Lawinensperra heba.  
Man sieht ihn am Boden mit Helm und Funkgerät die Hubschrauberpilota  
instruiera,  
damit die ihre Ladung und in Hubscharuber olli am richtiga Fleck platzeria.  
Leatscht's Jahr habt's sogar die Autofahrer in Berlin missa plaga,  
weil es hat enk zum Baum fälla neben d'r Autobahn bis nach Berlin verschlaga.  
Der Job isch sicherlich spannend und gefährlich und drum Böller lassa m'r no an  
Böller explodiera,  
dass olli kannsch gsund und munter huam spaziera.

**Pfisterer Dieter Christine / Gurnau 139a**

Der Dieter und sei Christina haba a guat's Jahr verbracht,  
es war heiter und fröhlich und ma hat viel glocht.  
Dahuam louft alles guat soweit,  
deas macht it lei enk sondern ou ins a Freid!  
Miar hoffa miar tia ou in dem Jahr lei guat's derfroga,  
und tia enk auf deas aua a schiane Scheiba ocha joga.

**Wilhelm Kevin / Gurnau 142a**

Beim Kevin ischas Sprichla schreiba gar nit so leicht,  
deas liegt sicher dran, dass man bei ins kaum erreicht.  
Viel Zeit tuat er in Götzens verbringa,  
dett weara eppa a paar nette Madli umaspringa?  
Und weil der Weg weit isch mecht dar Kevin mitm Auot fohra,  
da muas ma halt zearscht an Führerschein hoba.  
Da isch er dran und mir wünscha viel Glück,  
und iatz krocht an Böller für die no ganz dick.

**Wilhelm Karin / Gurnau 142a**

Was gibts in Tirol für tolle Events wo jeder amal dabei sein muaß?  
Die Karin schickt huira vum Hahnenkamm an Gruaß.  
Das größte Skirennen dar Welt, da war sie dabei,  
und sieht bei dar Abfahrt die schnellschta Mander der Welt rasa vorbei.  
Und lei s'Renna, deas isch decht nit gnua,  
da keart no a Party in dar Mooralp darzua.  
Deas war sicher a Happening und a Erlebnis für die,  
und sall nu weil a paar Leit fohra an Bichel ocha mit Ski.  
A bissli neidisch sein mar, das geba mar zua,  
iatz fliagt für die a Scheiba ocha in Rua.

**Fam Kurz Julia Alexander / Gurnau 117c/Top 2**

Bei enk ischs wia olle Johr,  
a nuis Auto steat douba - des war jo fost klar.  
An morts Kombi so richtig toll,  
ou der weart mit dem Zuig vo die Kinder grammelt voll.  
Die Julia sigt ma seit huira olli in dr Einfahrt dunta stia,  
mit dena Kinder hat ma olli zum tia.  
Du muasch die Leonie zum Bus oa bringa,  
ma sigt sie seit huira brav im Kindergarten uma springa.  
Iatz schau mar dass enkr Scheiba no weit ausa geat,  
Mir sei schua g' sponnt was negst Johr für a Auto bei enk douba steat.. :)

**Fam Carpentari Reinhard Marlies / Gurnau 117c/Top 1**

Ruhig und fein set mas hoba in der Pension,  
deas isch dar gonza Arbeit Lohn.  
Aber ganz aso ischas decht nit, wia ma beim Reinhard und dar Marlies seacha  
kann,  
dia stella jedes Wochenende ihren Mann.  
Wenn ma an sportlich eifriga Enkel hot,  
uan dar Fuaßball hat decht nia richtig in Ruah lot.  
Jeds Spiel schaua sie on und sein mit Eifer dabei,  
so hat ma halt decht kua Wochenende mia frei.  
Und im Winter, da sein Ski-Renna im gonza Land,  
aber so bleibt ma ou in der Pension guat beinand.  
Schian wenn enk die Enkel holta auf trab,  
und iatz schicka mar enk a Scheiba durchab.

**Carpentari Lukas / Gurnau 117e**

Jå der Luggi inser Medizinstudent,  
håt zum tian voll alle Händ.  
Nit lei beim roten Kreuz ischer engagiert,  
ou bei der Fuierwehr sieht man ålli integriert.  
Scheinbar trägt er nit lei sein Medizinkittel gera,  
ou mit Hemd und Krawatte louft er umma, griagt ma zu heara.  
Bei der Häuslbauermesse die Besucher um Feedback fråga,  
für Geld tuat sich der Lukas schua öfters plåga.  
Und dass mit deem mords Outfit und dera Hektik mittendrin,  
dein eigna Chef an Fragebogen anbietesch, isch halb so schlimm.  
Mir wünsch dir alles Guate bei deina weitera Aufgåba  
und tian a Rakeita no weit åcha jåga.

**Fam Carpentari Reinhard Eva / Gurnau 117e**

Sportlich wora dar Reinhard und die Eva eigentlich olli schua,  
da spricht nix geaga a zünftige Hüttatour.  
Mitm Nevio aufn Stuansea und übern Klettersteig,  
auch auf d'Steinkarspitz, deas isch sicher nit z'weit.  
Und überhaupt, aufn Berg ob mit'm Rad oder die Fiaß,  
schicka dia 2 oft ins Tal ocha liabe Griaß.  
Und damit die Spannung nit verlora geht,  
deas Paar öfter mit die Kinder in am Escape Room dinna steht.  
Dört macht mar Rätsel und Teamwork unter Druck,  
und wenn ma sich anstrengt kimmt ma in der Zeit zruck.  
Bleibats weiter so aktiv und mochats a senk fein,  
deas set an lauter Böller für enk sein.

**Fam Carpentari Jürgen Sonja / Gurnau 117c/Top 3**

Im Hause Carpentari isch d'r Sport ganz wichtig,  
viel körperliche Betätigung isch ja ou ganz wichtig.  
In Jürgen sieht ma aber ganz viel auf die Schipista umchastiahn,  
weil da muss'r schaua ob d'r Nevio macht beim Schireнна alles richtig und und  
schian.  
In Fussballtrainer bei die Pianner Schüler hat d'r Jürgen huria lossa,  
deas haba kenna viele Eltern und Funktionäre im Verein gar nit kenna fassa.  
Was du mit dera ganz Freizeit iatz anfangsch tian miar ins schua fraga,  
da kansch die ja in Zukunft mit d'r Sonja beim gemeinsamen Fitnessstraining  
plaga.

**Sailer Gerhard & Brigitte / Gurnau 144/Top 2**

Der Gerhard und die Brigitte, dia zwoa sein schua lang a Paar,  
und so hoba sie gfeiert ihre gemeinsamen 50 Jahr.  
A Goldene Hochzeit, deas isch wirklich was ganz Bsundrigs deas muas ma sogaa,  
und daher tian miar für enk glei a Raketa aucha joga.  
An schiana Platz hobats enk für die Feier o no ausgsuacht,  
und die tolle Umgebung vu dar Kronburg bucht.  
Aber im letschta Jahr worats o sinscht sehr aktiv,  
a so a Reisa nach Montegroto isch sicher attraktiv.  
Mit Bus und Zug, und sogar a Seetaxi hobats in Anspruch gnoahma,  
vu so eppas weara viele Leit trouma (träumen).  
An Böller kriagats o no zum Schluss,  
und dia Scheiba set fliaga, wia an anständiga Schuss.

**Pekar Manfred und Sabine / Gurnau 144/Top 1**

Die Sabine, bei der Polizei ja wohl bekannt,  
streift mittlerweile in Nauders umanand.  
Dort hat sie a nuie Aufgab gfunda,  
und sorgt für Recht und Ordnung det für viele Stunda.  
Der Manfred braucht Nervenkitzel und a spezielle Herausforderung,  
und geht vor die Tür bei fast jeder Witterung.  
Ski-Toura im Winter deas keart darzua,  
und ab und zua mitm Paragleiter in d'Luft, sinscht gibt er kua Ruah.  
A erfolgreiches Jahr enk beida vu ins,  
dia Scheiba set fliaga bis aucha auf Grins.

**Pfeifer Martin / Gurnau 142c**

Wenn ma sou jung isch, isch uans völlig logisch,  
dass ma da gar nit as o viel darhuam isch.  
Viel aufm Weg isch dar Martin und wia sell deas andersch sein,  
am liabschta mitm Auto, deas isch halt recht fein.  
Aber bitte vergiss nit drauf in die Biacher zum schaua,  
nocha kannsch huira a gscheide Matura ausahaua.  
Dafür winscha mar dir viel Glück,  
und lossa an Böller knolla ganz dick.

**Fam Pfeifer Karl Brigitte / Gurnau 142c**

So harte Winter, fascht schua wia früher,  
da stellt sich dar Karl glei a nuie Schneafreasa vor die Tür.  
Iatz kann keama was will, deas war decht glocht,  
selbst uan Meter Schnea iatz nix mia ausmocht.  
S'Wichtigste dabei isch a Platzli für uan Mann,  
dass dar Karl ou im Winter in Ruah sei Zigrettli reacha kann.  
Weil im Haus gibt's deas nit, deas gibt gelbe Wänd und sal isch nit schian,  
da tuat mar liaber o bei der ärgschten Kälte dausa stiahn.  
Miar schiaßa a Scheiba für enk zwoa zum Schluss,  
und bleibt dar Schnee aus dann schiab kuan Verdruss.

**Fam Öttl Wolfgang Christina / Gurnau 142b/Top 1**

Beim Wolfgang und der Christa wachsa im Garta nu schiane Sacha,  
da kannt ma unter Umständ a guate Marmalad draus macha.  
Der Wein der wachst so hoach, deas kann ma it amal Mia messa,  
deas isch sogar fascht zviel zum essa.  
In am garta isch alli viel zum tian,  
dafür hat Ma`s nacha ou schian.  
Ob Rasa maja oder Platta leaga,  
bei manche Sacha isch es lei schwar anfanga zum meaga.  
Die scheiba lassa miar iats aucha saußa,  
mit viel Glück liegt sie nocha vor enkerer Haustür daußa.

**Fam Würthenberger Claudia u. Armin / Gurnau 142/Top 2**

Bewegung spielt a wichtige Rolle fürn Armin und die Claudia,  
da macht o die Witterung nix aus, wenn i mitm Radli in d'Arbeit fahr.  
Bei Wind und Wetter hockt sich die Claudia aufs Radli drauf,  
die Jacke ganz zua, und dann geahs schua auf.  
Und egal was für a Lawinawarnstufe, deas war decht glocht,  
dar Armin trotzdem a Ski-Tour macht.  
Aber auf Nummer sicher isch er decht gonga,  
drum hat er die Ski-Tour in die Neadr angfonga.  
Aucha aufs Bahngleis, und deas glei 5 mal,  
es isch halt a kurze Abfahrt ocha ins Tal.  
Hut ab vor deara Konsequenz, s'Training darf nit ausfolla,  
drum lossa mar iatz no an Böller knolla.

**Landerer Franz / Gurnau 142/Top 1**

Dar Franz hat a Leidenschaft, deas isch richtig schian,  
ma sieht in oft bei die Bäum beim Winkler-Haus stiahn.  
Äst schneida und überhaupt guat aufs Obst schua,  
nocha kann ma spater an guata Schnaps daraus braua.  
Viel Arbeit isch deas, ob sichs rentiert,  
deas wissa mar erscht, wenn ins dar Franz amol a Schnapsli spendiert.  
Die gleicha Ernte wie im letschta Jahr winscha mar dar huira deas isch klar,  
und schloga dar iatz no a Scheiba durcha.

**Fam Marth Edmund Helene / Gurnau 140**

Itz treiba mir für enk a Scheiba aus d'r Gluat,  
und hoffa, dass es dia Scheiba ou weit aussu troga tuat.  
Da Edi sieht ma im gonza Tolkessel spaziera,  
zu dem sportlichen Ehrgeiz miassa mir olli wieder gratuliera.  
Und dass die Helene mit der Kondition ou mitholta kann,  
geahs sie fleissi mit , - mit ihrem Monn!

**Fam Schultes Hubert Brigitte / Gurnau 139**

Dia Scheiba sell b'sunders weit außigiahn,  
weil iatz bleib m'r beim Hubert und der Brigitte stian.  
Fürs Jahr 2019 wünsch m'r enk lei s'allerbescht,  
G'sundheit, Glück und Fröhlichkeit ganz fescht.  
Dass s'heurige Jahr koane Probleme macht,  
an Böller ganz laut kracht.

**Vogt Herta / Gurnau 141**

Ou huiru mechat mar insere Heata beim Scheibaschläga herzlich begriäsa,  
und dafür a schiane Raketa aua schiaßä.  
Dass die Herta alli am Weg isch, hammer sicher schua amal gschriebe,  
und genau so isch es ou Huiru wieder blieba.  
Bei der Herta tuat in letschter Zeit alli öfter deas Katzafutter verschwinda,  
und isch trotz suacha numma zum auffinda.  
Miar secha da alli öfter 3 Verdächtige umma loafa,  
da weard dir dei Nachbar amal miaßä a paar Brekkies kofa!?  
Iatz hoff mar nu nou dia Scheiba was iatz kimmt fliagt ou weit,  
und wenn nit, steat zumindescht schua an Punsch für die bereit.

**Vogt Irene / Gurnau 141**

Die Irene isch wia mar sie kenna,  
älli fleißig mit dr Herta am uma renna.  
Des viele renna hät sie so gschlaucht,  
iatz hät sie mäl a Auszeit braucht.  
Drum wär sie iatz über´n Winter auf Kur,  
åber då gibt´s nit lei Erholung pur.  
Då steat viel Bewegung auf´m Plan,  
Zrug keima isch sie mit viel Elan.  
Nur während der Kur isch leider ihr Katze verstoarba,  
des hät ihr die gute Laune glei wieder verdoarba.  
Hoffentlich läscht die davon nit unter kriaga,  
Mir lassa dei Scheiba no weit oa fliaga.

**Fam Larcher Mathias u. Simone / Gurnau 138a**

D'r Mathias tuat seit huiru die Geschicke in d'r Fuierwehr leita,  
und als Kommandant olli fleißig vorne weg schreita.  
So a Engagement wissa m'r schua zum schätza,  
und lassa ou no glei a Raketa in Himmel auchi fetza.  
So an Haufa junge Mander isch nit olli leicht zum kommandiera,  
aber mir sein ins sicher du tuasch sie richtig instruiera.  
D'r Simone mechta m'r ou dankschian sogä,  
damit d'r Mathias in d'r Freizeit olli für Feuerwehr in d'r Gegend kann umchajoga.

**Fam Larcher Peter Margret / Gurnau 138**

Margret und dr Peter tian hoffentlich lei guat's derwarta,  
hoba tata sie iatz gute Karta!  
Sie sei glücklich und zfrieda mitanand,  
soa loaft's Leba ganz leicht von der Hand!  
Auf die Enkala tiats ja ou alli guat schaua,  
da kann ma ganz gwiess drauf vertraua.  
Dass es so bleibt und weiter guat loaft,  
enk nou a Scheiba ins Tal ocha roacht!

**Schütz Florian / Gurnau 143**

Dar Flo, deas waos jeder wo in kennt,  
geara in dar weita Welt umanonder rennt.  
Südamerika, und no genauer Patagonien,  
da veschlogts in Flo mit dar Freindin im letschta Jahr hin.  
Outdoorkleidung isch da Pflicht,  
da blast so manchs mal an kalter Wind in dei Gsicht.  
Pinguine, s'Meer und wunderschiane Landschaft kann ma auf die Fotos seacha,  
und o der Welt südlichste Gin isch da in dar Neacha.  
Die Genüsse darf ma dabei o nit vergessa,  
da gibt's überall au sauguats Fleisch zum Essa.  
Miar sein schua gspannt wo's enk s'negscht mal hin veschlagt,  
iatz knallt no a Scheiba übern Bichl durchob.

**Schrott Werner Gudrun /**

Sissis Bruder hot's iatz ou vorbei  
Weil d' Pension isch ihm liaber als dia Arbeiterei.  
Iatz kannsch dir ou amol Zeit nehma  
Und ba ins bam Scheibaschloga vorbeikeama.  
Mit deara Scheibe, wo mar enk heint ochaschloga  
Tian mar ou mit ama Böller für enkari Spenda Donkschia sogä.

**Fam Schütz Egon Sissi / Gurnau 143**

De zwei gehen immer flott durchs Leiba,  
doch leider hats par Sissy an hüft-bruch geiba.  
Des war wirklich nix zum locha,  
hauts die Sissy nit vor der eigenen Haustür über da Staffel ocha.  
A paar nuie Ersatzteile hats geiba,  
und schua marschieret sie wieder flott durch Leiba.  
Beim Schneeräumen hat dar Egon o was Neues ausprobiert,  
so hat er kurzerhand da Schnee mit ma Laubbläser weck transportiert  
o sportlich isch er sehr aktiv,  
mir hoffa für die es geht nix mehr schief.  
Die Marie habt`s o öfters daheim,  
sei Enkelkind verwöhnen sall isch ganz sicher fein.  
Iatz lassa mar no an Böller Krachen,  
und hoffen es kennts o darüber lachen.

**Fam Huber Robert Gabi / Gurnau 137**

Mit deara Scheiba, wos miar iatz onreiba  
tian bar Gabi und Hans-Robert stiahn bleiba.  
Zum Rosenmähen hot der Hans Robert schua an Helfer gfunda,  
do draht iatz im Summer an Roboter seini Runda.  
D' Gabi hot miassa die Technik von dem Roboter studiera  
Weil der sett ou da gonza Summer funktioniera.  
So bleibt iatz viel Zeit dem guata Monn,  
daß er huira die goldene Hochzeit obwickla kann.  
Und zu gutem Schluß  
Loasa miar zu enkerem 50-iger nou an Schuss.

**Fam Rainalter Eckhardt Hella / Gurnau 136**

Beim Ekki & der Hella hatt`s huira a morz Fescht troffa,  
da hat Gwieß nit nu fescht gessa, sondern ou fescht trunka.  
In Perfuchs dauða iatz iatz endli alles fertig gwoara,  
und deas ganze mit it gar aso viel Zoara.  
Der Pastor selber hat deas alles abgseagnet,  
damit es it Glei im erscht Winter eia regnet.  
Miar hoffa eas seits iatz mit allem z`frieda,  
und kennats iatz mia Zeit im Camper umma liega.  
Damits deas Wohnmobil beim „schlafa“ iatz zfescht umma biagt,  
hat der Ekki glei a par automatische Fiaß montiert.  
Dia Scheiba was iatz kimmt keart natürlich nou derzua,  
und damit habat`s iatz wieder a Jahr a Rua.

**Scheiber Michael / Gurnau 112b**

Dar Michael unser BOKU Student,  
isch überall da wo`s brennt.  
Mit`m Zug kimmt er durchs ganze Land,  
und unternimmt so aller Hand.  
Ob zu Fuß über die Berg oder mit`m Rad nach Wien,  
der Bua kimmt überall hin.  
In Kroatien wars sicher o ganz fein,  
nur leider bisch nach zwei Tag mit Angina heim.  
Seine sieben Zwetschken hat der o selten beinand,  
so fahlt hie und da sei halbs Gewand  
Skifahren ohne Hose isch nit so fein,  
guat dass dar Venet nit weit weck isch von daheim.  
Dass dir deine Pläne no alle so gelinga,  
lass mar no a Scheibe bis zu Bach singa.

**Scheiber Markus / Gurnau 112b**

Über Langeweil kann sich da Markus nit beschwera,  
ober so isch des mitm erwogsa wera.  
Iatz isch er gor zocha ins Gsiebergerland,  
mit seiner Freindin Sonja an dr Hand.  
Ober a bisalla tuat er dechtersch no verdriasa  
und seine eltara kennan hin und wieder dahum begriasa.  
Ober alluan kimmt er nit,  
sei Katz folgt`m auf Schritt und Tritt.  
Wenn D´Orbeit im Ländle wieder fangt an,  
sei Katz no weiter in Gurnau Urlaub mocha kann.

**Scheiber Peter / Gurnau 112b**

Dem Peter mecht mar amal a groasses Dankschian saga,  
weil ab Huiru brauch mar ihn numma als Vize plaga.  
Da KommandantStellvertreter hat er iatz nach 5 Jahr abgeba,  
i gloab er hat numma meaga?  
5 Jahr lang hat Er und der Dani an super Job gmacht,  
und hat dabei nu selten gschumpfa sondern eher glacht.  
Miar hoffa du geniessesch iatz dia viele freie Zeit,  
und bleibsch vielleicht deacht für die Fuiwehr stehts bereit.  
Vu deem Debakel mitm Auto derzähl mar da iatz it viel,  
weil miar arbeita da mit Feingefühl und Stil.  
Auf dass ou bei deem Job alls tuat guat gelinga,  
loss mar dei Scheiba weit oa singa.

**Scheiber Robert / Graf 125/Top 4**

Für den Robi isch 2018 a morz Jahr gwesa,  
drum haba miar da ou wieder viel zum lesa.  
Die Haus-renovierung geat mit groaßa Schritte voran,  
und der Robler tuat dabei sogar mia als er kann.  
Vom Tisch-Bauer bis zum Installateur ,  
isch dem Robi nix zu schwer.  
Ab und zua seins nu a paar Kluanigkeita zum macha,  
aber der Robert erledigt ou die groaßa Sacha.  
Dia Baukassa isch ou nou lang it laar,  
drum tuat ma sich ou beim Auto Koafa it gar aso schwar.  
Mit de deitscha Karra Isch` s im Robert iatz langsam an Grauß,  
desswega kimmt iatz an nuier Japaner ins nuie Haus.  
Miar hoffa du pflegsch dei nuis Auto ou wieder so guat,  
und schлага dir dei Scheiba aussa mitsamt der Gluat.

**Fam Scheiber Helmut Martha / Gurnau 112b**

A schiane Rakete iatz gen Himmel fliegt,  
und dr Martha zum 60-er gratuliert.  
Gfeifert hosch mit der gonz Familie mit deina 4 Buaba  
in dr Poscht in Strenga deas tia mar ou glouba.  
In Heli, - in der Pension - , konnsch ja iatz fescht für die nutza,  
er halft dar ja sicher beim Kocha und Putza.  
Ou sein Rhythmus hat er schua anpasst, des isch nit zum Locher  
er tuat regelmäßig mit der Katza an Rundgang mocha.

**Fam Grießer Hubert Rosmarie / Gurnau 112a**

Dr Hubert hat sich a nuis Auto kouft,  
dr Skoda ohne Allrad im Winter aber nit guat louft.  
Auf dr Schneefahrbahn er alli wiede hänga bleibt,  
des ärgert ihn die gonze Zeit.  
Drum holt er da olta Toyota aus dr Garage wieder außa,  
weil mit dem kann er ohne Probleme beim Schea auf Grins aua brausa.  
Enker Familie isch ou gwogsa im Letschta Jahr, des geat oft gschwind,  
so hobt's iatz dazukriagt an Schwiegersohn und a Enkelkind.

**Schmid Thomas / Gurnau 115/ Top2**

Mr Hofer - weart er vo ins genannt,  
der schickt ihn uma im gånza Land.  
2-3 Filialen tuat er gleichzeitig schmeia,  
und dabei an haufa Stunda oa reia.  
D des mit´m Thomas alles richtig guat louft,  
hba sie ihm glei a nuis Firmenauto kouft.  
Aber kaum dass es schneibt - do heart man fluacha,  
weil er muass die Schneaketta im Kofferraum suacha.  
Beim Allrad - do tia sie spra,  
drum siet ma ihn lli mit Schneaketta ber´n Fernpass fhra.  
Die restliche Freizeit - so viel Zeit muass no bleiba,  
tuat er sich mit'm Fuball vertreibea.  
Zum trainiera bleibt hlt numma viel Zeit,  
Trotzdem schiet er die meisten Tore weit und breit.  
Hoffentlich meistersch ou des Jhr wieder guat,  
mir houla no a Scheiba fr die aus dr Gluat.

**Schmid Daniel / Gurnau 115/ Top2**

5 Jhr isch dr Daniel als Kdt bei dr FF vorne weck marschieret,  
ht Proben, Ausflge und den Umbau perfekt organisiert.  
Drum lss mar a Rakeita in Himmel aua singa,  
mir wella dir damit insr Danke ausbringa.  
D es bei dir zur zeit guat louft,  
hsch dr mit dr Freindin a Eigentumswohnung kouft.  
In Oberperfuss - in dr schiansta Log,  
aber zum Lutz oa wars olli a Plog.  
Und ou auf der Karriere Leiter,  
geat beim Lutz uanfoch nuit weiter.  
Drum ht er an haufa Bewerbungen g´schriebe,  
zum Schluss isch er bei dr Strabag hnga blieba.  
D hat er ncha nit lang berlegt,  
und sei Bro in die Filiale nach Zirl verlegt.  
Des isch mit´m Auto ganz leicht zum erreicha,  
knn ma mit´m Lutz uanfoch nit vergleicha.  
Zum 30er tia mar iatz no recht herzlich gratuliera,  
dei Scheiba lss mar iatz no weit ausa marschiera.

**Fam Schmid Harald Angelika / Gurnau 115/ Top2**

Der Winter isch nou nit gonz umma,  
heart ma bam Harald schua an Schremmhommer brumma.  
Iatz mechta miars schua wissa, sall war decht zum locha,  
wos weard er do unterm Doch doba mocha?  
A kluani Wohnung setts eppa weara, sall isch an Hit,  
ob für Gäscht oder für an Bua, sall woäß er iatz nou nit.  
Bis in Summer sett er ober fertig sein mit dena Socha  
weil do mechert er sicher im Süden wieder a Radtour mocha.  
Und tunkt's di nocha irgendwo richtig fein,  
stell'sch s'Radli auf d'Seita und trinksch a Glasli Wein.

**Fam Schmid Helmut Linde / Gurnau 115/ Top1**

Den Helli sieht ma mit ollerlei Maschina umchabohra  
Und in d'r Neadr mit der Mahmaschin seini Runda fohra.  
Auf uanmol mocht's ober an heida Kroch,  
und des Gerät liegt in der Mitte vom Boch.  
Mit'm Retourgong war deas nit passiert,  
weil dert war die Maschine stott in Boch zruggwärts marschiert.  
Moch dir nuit draus, deas kann passiera  
Es lot si ja olles wieder repariera.  
Drum lossa miar iatz zum Schluß  
Für enk nou an heida Schuß.

**Juen Anna-Lena / Gurnau 112/Top 2**

Ja die Lena isch iatz o unter einer neuen Adresse zum finda,  
sie wollt sich selbständig macha und von dahua verschwinda.  
Mit`m Benny hats die auf Graf verschloga,  
mir hoffa es habts es fein und kennts nit kloga.  
Reisen tuat sie o wirklich gerne,  
ob Toskana oder heuer nach Kuba für die geht's immer in die Ferne.  
Bei deiner Frisur hasch o mal was neues meiga,  
nach langem überleiga haba sich Rastas ergeiba.  
Iatz lassa mar no a scheiba weit ausi singa,  
und hoffa sie tuat enk viel Glück bringa.

**Juen Johannes / Gurnau 112/Top 2**

Übern Johannes kann ma eigeldlich immer nur es Gleiche saga,  
dass er sich nie tuat weitaus am Haus waga.  
Da Kochlöffel schwingt er in am Hotel im Paznaun,  
auf seine Kochkunst kann ma wirklich vertraun.  
Wo du die sinsch no so uma treibsch des wissa mir nit genau,  
aber vielleicht keima mir nächstes Jahr drau.  
Für die haua mir no an Böller in da Wald,  
und hoffa dass er laut knallt.

**Juen Julia / Gurnau 112/Top 2**

Die Julia muas sich mit ihrem Freund toll ploga,  
haba sie sich nit beim Buaba-fest gegenseitig die Köpf zam gschlaga.  
Im letzten Jahr hat dein Ofen in der Wohnung nie richtig funktioniert,  
des isch nit fein wenn ma dahuam erfriert.  
So hats im Sommer a neue Heizung geiba,  
so fein warm latz sich guat leiba.  
Trotzdem gib't schua Pläne fürs eigene daheim,  
da wert woll no kuan Nachwuchs am weg sein???  
Mir houla enk no a Scheiba aus dar gluat auða,  
und wünschta enk no a schöne Zeit in Landeck dauða.

**Fam Juen Hubert Erika / Gurnau 112/Top 2**

Im Summer auf Urlaub fohra nit nu d'Erika und dr Hubert mit ihra Kinder,  
in'd Sommerfrische kema ou ihre Hochlondrinder.  
Im Verwall kenna si saftiga Grasla fressa,  
und an Stiar isch ou doba, nit zu vergessa.  
Der sett si drum kümmera, dass es s'nägscht Johr Nachwuchs geit,  
er hot drfür da gonza Summer Zeit.  
Ober irgendwia hot des s'letscht Johr nit funktioniert,  
und di Zirze und Chajenne weara im Herbst laar vor Olm ocha gfiart.  
Wohrscheinlich hoba si kua Ruah ket, weil auf dr Olm geats jo rund,  
schoraweis sei si unterwegs, di Wonderer mit ihra Hund.  
Do kimmt der Stiar gonz aus'm Konzept und denkt numma dron,  
wos er zum tia hat und eigentli ou guat kann.  
Iatz für enk no an Böller krocht,  
dass enk dr Stiar den Summer wieder nuia Kalbla mocht.

**Juen Paula / Gurnau 112/Top 1**

Ba'r Paula weard zearsch an Böll'r gschossa,  
weil mit die Siebz'ger Jahr hot sie huira abg'schlossa.  
zum 80 iger wünsch miar Dir s'ollerbescht  
vor ollem G'sundheit, sall kimmt zearsch und nit z'letscht.  
Viel Scheiba mechta miar Dir nou schloga,  
und vielleicht tian miar s' negscht Jahr wieder eppas nuis d'rfroga.

**Siegele Angelika & Wiedenegger Christian / Gurnau 114b**

Dr. Christian isch an mords Sportler, sall isch gwies,  
am liabschta isch er mit'm Fohrradlna am Ries.  
Wenn si Zeit hot, isch di Angelika ou fleißig mit,  
si hot iatz a E-Bike, weil des isch an Hit.  
Da Jakob tunkt des ou gonz fei,  
do gmiatli hocka hinta im Onhänger drei.  
Im Summer sei si ou viel in da Bearg mit ihrem kluana Bua,  
auf dr Konstanzer Hütte mocha si Roscht, weil des keart dazua.  
An mords Hunger hoba si ket, si tia fescht trinka und essa,  
drnoch wella si Zohla, ober si hoba d'Geldtascha im Auto vergessa!  
Iatz weara si miaßa dia Schulda beim Obspiala o-diana,  
oder si's Essa mit Schlofloger-Putza verdiana.  
Di Wiartsleit hoba Gnade und Gastfreundschaft bewiesa,  
und di Angelika hot am nägschta Tog des Geld auf's Konto übewriesa.

**Siegele Ruth / Gurnau 114b**

Auf dass dia Scheiba von der Ruth weit ausa fliagt,  
für`s huirige Jahr alle Glück abgriagt.  
Viel G'sundheit und Glück kann ma alli guat braucha,  
drum lass mar dir nou a Raketa weit aucha.  
Miar hoffa du bisch z`frieda und die hat`s guat,  
und hoffentli fliagt dia Scheiba mit ara schiana Gluat.

**Autohaus Maschler / Gurnau**

An Winter mit viel Schnea des isch a super Soch,  
ober beim Schnearauma decht oft an heida Tschoch.  
Dr Gerald muaß du gonz zeitig aus'm Bett,  
wenn in dr Friaheim beim Aufsperra schua graumt sei set.  
Mit'm Pachero und dr Baggerschaufla vorna dron,  
kinnt ins vor, dass des ou a bissli Gaudi mocha kann.  
Iatz kinnt s'Friaheimjahr und do wiss mar genau,  
numma long, nocha gibt's beim Maschler wieder a Autoschau.  
Mir hoba extra für enk a tolle Raketa kouft,  
und wünsch, dass des Gschäft mit dena Auto weiterhin guat louft.

**Fam Juen Klaus Anna / Gurnau 115b**

Dia Scheiba tia mar weit außa treibe,  
und damit beim Klaus und bei dr Anni bleiba.  
Z'fuaß sei dia zwoa numma viel am Ries,  
ma kimmt jo mit'm Auto ou überoll hin, sall isch gwies.  
Um's Haus halft dr Stefan fescht mit, dass olls isch guat im Schuss.  
D'Fuirwehr wünsch enk viel Gsundheit und Glück no zum Schluss.

**Thöni Maria / Gurnau 115a**

Iatz läss mar a Rakeita marschiera,  
ou mir wella dir zum 90er Gratuliera.  
90 Jähr - des muass ma erst mal weara,  
du häsch des ou gscheid g' feiert was mir so heara.  
Bei so uanr Feier kånns schua mal länger gia,  
Du muasch jã nit auf am nächsten Tag in dr fria.  
Mir wella dir viel Gsundheit wünsch mit dera Scheiba,  
hoffentlich kenna mar ou zum 100er so a Sprichli schreiba